

Ақтөбе университеті



1996 жылдың
12 наурызынан
бастап шығып
келеді

№ 19 (395)
15 желтоқсан 2016 ж

"Ақтөбе Университеті" Газеті


АРУ им. К.Жубанова

@ argugazeti@mail.ru

«...Уақыт қарқыны зымыран. Күні кеше еткен сияқты уақиғалар бүгін де тарих беттеріне айналып та үлгірді. Бұл жаңа мемлекет пен жаңа қоғамның дүниеге келуінің азапты толғаққа толы, сонымен бірге ғаламат сәті еді. Сол сәт әлі аяқталған жоқ, бірақ ең қиын белестерден аса білдік. Ең қиын жылдар дәл қазір артымызда қалды, сондықтан да мен еліміздің еңсесі биіктей беретініне сенемін».

Н.Ә.Назарбаев

БҮГІНГІ НӨМІРДЕ:



2 БЕТ

Ж.Баласағұнның 1000 жылдығы «ізденіс» үйірмесінде



4 БЕТ

Мәңгі ел есінде



5 БЕТ

Еркіндік қыраны, шарықта!



6 БЕТ

V Жастар форумы



7 БЕТ

Экологтар ядролық қарусыз әлемді таңдайды

Әдістемелік жобалар байқауын ұйымдастыру ережелері

8 БЕТ



16 ЖЕЛТОҚСАН - АТА БАБАМЫЗДЫҢ АРМАНЫ ОРЫНДАЛЫП, ЖАСАМПАЗДЫҒЫМЫЗДЫ жаңа белеске көтерген тәуелсіздік күні. 1991 жылы Нұрсұлтан Әбішұлының қол қойған конституциялық заңнан бастау алған тәуелсіздігімізге, егеменді ел ретінде танылғанына биыл міне 25 жыл толып отыр. Тәуелсіздіктің тамыры – жасампаздық рух, ұраны – ел мен халық. Тәуелсіздік - ең алдымен қазақ халқының бостандыққа ұмтылған асқақ армандары мен қайсар рухының жемісі. Сондықтан да біз үшін тәуелсіздік күні – ең қастерлі күн. Тәуелсіз елдің ең басты тұғыры – ол қоғамның, сол мемлекеттегі жергілікті ұлттың рухы, жігері, қоғамдық санасы. Басты байлығымыз - жай ұлттық мүдде емес, азаматтардың мүддесі мен қажеттілігі.

Еліміз тәуелсіздігін жариялап, дербес мемлекет ретінде әлемге танылды. Бұл мемлекетіміз бен халқымыз үшін ең басты, әрі құнды мереке болмақ. Тәуелсіз еліміз ширек ғасырға жуық уақыт ішінде қаржы дағдарыстарының қиындықтарына қарсы тұра білді, тұрақты даму жолына түсіп, биік белестерді бағындырды, толағай жетістіктерге қол жеткізді, әлемдегі бәсекеге қабілетті 50 елдің қатарына енді. Жыл сайынғы Президенттің халыққа арналған Жолдаулары, қабылданған мемлекеттік бағдарламалары мен стратегиялық бағыттарының барлығы да қарапайым халықтың тұрмысын жақсартып, егемендігімізді нығайтуға бағытталды.

Осы орайда, 2015 жылғы 30 қарашадағы халыққа арнаған Жолдауында Елбасының тәуелсіз мемлекет атанғанымыздың 25 жылдығына аяқ басқалы тұрғанымызды айта келіп: «Бұл - тәуелсіздікті нығайту жолындағы өлшеусіз еңбегіміздің ширек ғасырлық белесін қорытындылайтын мерейлі сәт. Тәуелсіздікті баянды ету оған қол жеткізуден де қиын. Мемлекеттігіміздің тұғырын мызғымастай нығайта түсу үшін бізге әлі талай өткелі күрделі, өкпегі көп бұралаң жолдардан өтуге тура келеді», - деп алдағы кезеңде кездесетін сын-қатерлерден мүдірмей өтуге шақырған еді...

Енді, төңірегімізге осы тұрғыдан көз тастасақ, көкте бір Тәңірге, жерде бір өзіңе ғана сеніп, көреміс жарықты көріп, бұйырмыс ырзықты татып, сүйгізген ұрпағын сүйіп, өлшеулі ағұмырға пейіл болудан басқаның бәрі күпірлік екендігіне көзіміз тегіс жете бастағандай. Оған да «шүкір» дейміз. Көңілге медет қыларымыз тек бір бұл емес. Ең бастысы - жаңа ғасыр мен жаңа мыңжылдыққа егемен ел тәуелсіз ұлт болып аттадық. Біз тәуелсіздікке қол жеткізу үшін қаншама қиыншылықтарды басымыздан өткіздік, енді осы тәуелсіздігімізді қадірлеп қастерлеп, халқымыздың әл ауқатын жақсартуға, экономикасын ары қарай көтеруге, мемлекетіміздің гүлдеп жайнауына, демократиялық және құқықтық мемлекет құру жолында аянбай еңбек етуіміз қажет. Сондықтан қарыштап дамып келе жатқан еліміздің егемендігі мәңгі, Тәуелсіздігіміз тұғырлы болсын!

Кенжеғали КЕНЖЕБАЕВ,
университет ректоры


ТӘУЕЛСІЗДІК ПЕН ТАТУЛЫҚ

Университетімізде Қазақстан халқы Ассамблеясы кафедрасының ұйымдастыруымен Халықаралық толеранттылық пен Қазақстан Республикасы тәуелсіздігінің 25 жылдығына арналған «Мәңгілік Ел» идеясы қазақстандық патриотизмнің рухани негізі» тақырыбында дөңгелек үстел өткізілді. Шараға «Ақтебе облысы әкімінің аппараты» ММ-сі «Қоғамдық келісім» КММ-нің және Ақтебе облысының ішкі басқармасының қызметкерлері, филология және тарих факультеттерінің оқытушылары, студенттері қатысты.

Дөңгелек үстел барысында «Мәңгілік Ел» идеясының құндылықтары мен қағидалары жөнінде сөз қозғалып, Елбасы Н.Ә.Назарбаевтың бітімгершілік саясаты талқыланды. Пікір алмасу кезінде университет оқытушылары студенттер бойында толеранттылықты дамытуда қолданылатын әдіс-тәсілдерімен бөлісті. Шақырылған қонақтар талқыланған мәселелер бойынша өз пікірлерін білдіріп, кафедраның аталмыш тақырып бойынша алдағы жұмыстарына табыс тіледі.

Гулдана МУКАНОВА

Ж.БАЛАСАҒҰННЫҢ 1000 ЖЫЛДЫҒЫ «ІЗДЕНІС» ҮЙІРМЕСІНДЕ



25 қараша күні жалпы педагогика және психология кафедрасының ұйымдастыруымен Жүсіп Баласағұнның 1000 жылдық мерейтойына орай «Менің Баласағұным» атты дөңгелек үстел өтті.

Шараны студенттердің «ізденіс» ғылыми-зерттеу үйірмесінің жетекшісі, педагогика ғылымдарының кандидаты Гүлсім Елеусінқызы ашты. Ол өз сөзінде «Құтты білік» дастанының жастар тәрбиесіндегі маңызы туралы, мерейтойдың барлық жерде бірдей өтуіне үлес қосу мақсатында ұйымдастырылып отырғанын айтып өтті. Дастандағы негізгі ұғым «кісілік» туралы ой-пікірлер ортаға салынып, адалдық, ақыл бақдәулет, қанағат атты төрт қымбат қасиеттердің сұхбатынан үзінділер оқылып, бүгінгі күнмен байланыста қарастырылды. Педагогика магистрі Ұлболсын Тұяқова студенттерге арнап қызықты ойындар, викториналық сұрақтар қойды. Ғұлама туралы видеofilm көрсетілді. Дөңгелек үстелде Баласағұн идеялары туралы пікірлерін студенттер Айдана Олжабай, Айдана Жамангарина, Жеткөрген Қожабаева, Сағыныш Тұрсынқұл Назғұл Нұрыш, Жамиля Калимоллаева, Жансая Жазымбай, Есенқұл Қалдан, Нұрай Қоңырбай, Ұлболсын Жәлімбетова, Назерке Оразалы, Сәния Қуантаева, Мейрамгүл Ораз, Нұрғалы Жұлдызбаевтар тартымды жеткізе білді. Осы студенттер «ізденіс» үйірмесінің жаңа құрамы ретінде қабылданды.

«Құтты білік» дастаны туралы қорытынды сөзде «жалпы педагогика және психология» кафедрасының аға оқытушылары Наренова Асия Болатқызы, Баймаханова Гүлнар Қалдыбайқызы, Капина Элимира Асетуллақызы шараға оң пікірлерін білдіріп, студенттердің ойларын керемдік санаға бағыттау мақсатындағы арман-үміттерін жеткізді. Сырт кез ретінде шараға № 51 гимназияның 11 сынып оқушысы Назерке Баубекқызы қатысты. Қазақ дәстүрі бойынша дөңгелек үстел «Гауһар сөзден шашу» атты рефлексиямен жалғасты. Рухани сұхбат соңында студенттер бағалы сыйлықтармен марапатталды.

Мейрамгүл ОРАЗ,

филология факультетінің 2 курс студенті



ШЕКАРАШЫЛАР ҚЫЗМЕТКЕРЛЕРІМЕН КЕЗДЕСУ

Жуырда Қ.Жұбанов атындағы Ақтебе өңірлік мемлекеттік университетінің экономика және құқық институтында Тәуелсіздіктің 25 жылдығына орай 25 күндік іс-шара барысында Қазақстан Республикасының шекарасына арналған «Мемлекеттік шекара-мемлекеттік аумақты белгілейтін шектер» тақырыбында ашық кураторлық сағат өткізілді.

Кешке ұлттық қауіпсіздік комитетінің шекара қызметі бөлімінің аға офицері, капитан Жасулан Ильсов, десанттық-шабуылшы топтың аға барлаушысы, сержант Айбергін Туржанов қонақ ретінде шақырылды. Сонымен қатар институт оқытушылары С.Ж.Кельбетова, Ж.Ж.Байшукирова, Б.Т.Елубаева, М.Еспусинова, кітапхана қызметкерлері Ж.С.Сүндетова, К.Н.Қребаева және «құқықтану» мамандығының студенттері шараның көрермендері болды.

Кездесу барысында шекарашылар қызметі туралы слайд көрсетіліп, студенттер дайындаған баяндамаларын оқыды. Көрермендерге домбырамен күй шертіліп, қобызда ән ойнатылды, дуэтпен ән шырқалды.

Өз кезегінде қонаққа келген шекара қызметкерлері де сөз алып, ұлттық қауіпсіздік комитетінің шекара қызметі бөлімінің аға офицері, капитан Жасулан Ильсов шекара туралы қызықты баяндап, статистикалық мәліметтер де ұсынды.

Бұл шараны ұйымдастырушы аға оқытушы Л.А.Мурсалова және 101 топ студенттері аталмыш шараны қызықты етіп өткізуге бар ынтасын салды.

Студенттерге осындай патриоттық тәрбие беретін, Отанды сүйуге, тәуелсіздігімізді қадірлеуге жетелейтін тәлімдік-тәрбиелік шаралардың маңыздылығына шүбә жоқ.

Ж.СҮНДЕТОВА,

Қ.Жұбанов атындағы АӨМУ
бас кітапханашысы

Құттықтаймыз!

Құрметті де ұлағатты ұстаз, адал жар,
асыл ана
УРМУРЗИНА БАЯН ҒАЗИЗҚЫЗЫ!



Ұстаз – кез-келген адам үшін қастерлі тұлға. Ғылым жолында өткен еңбегіңіз бен төккен теріңіз аз емес. Өткен еңбектің елгені кімге де болса қуаныш, көңілге үлкен мәдет. Қуанышыңыз құтты болсын!

Құрметті Баян Ғазизқызы!

Қызмет деген бір белестен өтіп, құрметті демалыс деген кезеңге жеттіңіз. Өмір жасыңыз ұзақ, көрген бейнетіңіздің зейнеті жүз есе болып, денсаулық, бақыт, байлық алып келсін! Жапырағын жайған мәуелі бөйтеректей ғұмыр тілейміз!

Ағайын-туыстың құрметіне, ұл-қыздарыңыз бен немерелеріңіздің жеңісті шақтарын көрген шаттықтың бақытты сәттеріне бөленген өдемі ғұмыр көшіңіз!

Құрметпен, теориялық және қолданбалы психология кафедрасының ұжымы

ҚҰРМЕТТІ БИБІГҮЛ СЕЙІЛҚЫЗЫ!

Ұрпақ тәрбиесі – ұстазға байланысты. Өнегелі ұстаздан жақсы шәкірт шығатыны сөзсіз. Шәкірттерін білім нәрімен сусындатып, тәлім-тәрбие беру, жақсы қасиеттерді бойына дарытып, адамгершілік рухта бағыт-бағдар беруде ұстаздың еңбегі зор. Сондықтан да ол әрдайым қасиетті тұлға ретінде ерекшеленеді.

Сізді көпшілік өңіріміздің бірнеше буын тарихшы мамандарын дайындаған ұлағатты ұстаз, танымал ғалым, көптеген ғылыми жаңалықтардың авторы, еліміздегі жоғары оқу орындарына кредиттік оқыту жүйесін енгізу жөніндегі әдістемелік әзірлемелердің авторы, 1985 жылдан бері білім ордамыздың дамуына, көркеюіне, ғылым мен мәдениет орталығы ретінде қалыптасуына өз үлесін қосып келе жатқан тұлға ретінде таниды.

Бүгінде стратегиялық даму және білім сапасын бағалау басқармасының бастығы қызметінде білім ордамыздың академиялық қызметін таразылай білетін зор ұйымдастырушылық қасиетіңізді, кәсіби іскерлігіңізді, парасаттылығыңыз бен принципшілдігіңізді танытып, шәкірттеріңіздің бойына да сондай қасиет нәрін сөйіп жүрсіз. Болон процесінің негізгі параметрлерінің бірі саналатын институционалды және мамандандырылған аккредиттеу мәселесін де өзіңіздің тыңғылықты атқару қасиетіңізбен ұйымдастырып, нәтижесінде 2014 жылы институционалды аккредиттеуден сәтті өтсе, қазіргі таңда 36 білім беру бағдарламасы мамандандырылған аккредиттеу рәсімінен ойдағыдай өтіп, барлығы 5 жылға аккредиттелді, тағы 10 мамандық осы айдың аяғында өтетін Аккредиттеу кеңесінің шешімін күтуде.

Құрметті Бибігүл Сейілқызы!

Туған күніңізбен шын жүректен құттықтаймыз. Сізге зор денсаулық, еңбегіңіз жемісті болсын дейміз. Әрқашан үміттеріңіз орындалып, толағай табыстарға жете беріңіз!

Қоғам игілігіне, еліміздің ғылымына бағыттаған еңбегіңіз елге бергей. Осынау игілікті істе қанатыңыз талмасын, қажыр-қайратыңыз қашанда арта берсін. Өзіңізге және отбасыңызға ұзақ ғұмыр, бақыт пен бөреке тілейміз.

Құрметпен, стратегиялық даму және білім сапасын бағалау басқармасының ұжымы



СТУДЕНТТЕРДІҢ ҒЫЛЫМИ - ЗЕРТТЕУ ЖҰМЫСЫНДАҒЫ ЖЕТІСТІКТЕРІ



Республикалық жоғары оқу орындары студенттерінің ғылыми – зерттеу жұмыстары байқауында Қ.Жұбанов атындағы Ақтебе өңірлік мемлекеттік университетінің студенттері Береке Елеусизова мен Гүлжайна Сейтжанова «Бастауышта оқыту педагогикасы мен әдістемесі» мамандығы бойынша III дәрежелі дипломмен марапатталды.

Ғылыми жетекшісі - доцент, педагогика ғылымдарының кандидаты С.С.Сейтенова.
ARSU.KZ



МЕНИҢ СҮЙІКТІ КІТАБЫМ



Қ.Жұбанов атындағы Ақтебе өңірлік мемлекеттік университетінің экономика және құқық институтының кітапханасы және жастар саясаты бөлімінің ұйымдастыруымен Қазақстан Республикасы Тәуелсіздігінің 25 жылдығына арналған ретро-фестиваль «This time» және «Менің сүйікті кітабым» атты фотобайқау сайысы өтті.

Шараны ұйымдастырудың басты мақсаты – жастардың бойына кітапқа деген қызығушылықты арттырып, олардың дүниетанымын кеңейту.

Кітап – асыл қазына. Кітапты оқи отырып, адамның ішкі рухани жандүниесі байып, өмірге деген көзқарасы да кеңі түсетіні сезіледі.

Фотобайқауға қызығушылық танытқан жастар саны кеп болды. Солардың арасынан экономика және құқық институтының 2 курс студенті Асел Құлниязова ерекше талғамы үшін жүлделі бірінші орынды жеңіп алды. Екінші орынды Сымбат Шукерова иеленсе, үшінші орынға мемлекеттік жергілікті басқару мамандығының 3 курс студенті Алихан Альмаханов лайық деп танылды. Қалған қатысушылар Алғыс хаттармен марапатталды.

Найля ҚҰДАЙБЕРГЕНОВА,
кітапхана әдіскері

ТАРИХСЫЗ КЕЛЕШЕК ЖОҚ!

Мен – қазақтың, мың өліп, мың тірілген,
Жергеімде таныстым мұң тілімен.
Жылағанда жүрегім құн тұтылып,
Қуанғанда күлімнен тұн түрілген –

деп Жұбан Молдағалиевтің «Мен – қазақтың!» поэма-сында көрсеткеніндей, қазақ халқы қилы да қисынды заманда не көрмеді?! Қаһарлы, шерлі азуын айқара ашқан аяусыз жылдардың, басқыншылық, төңкеріс, қуғын-сүргін соғыс жылдарының талайын көрді. Шыдады, төзді. Берілмеді, беріспеді, күресті. Соңында жеңіске жетті. Үш жүз жылдай уақытқа созылған елімізді ұлтсыздандыру саясатынан ерең құтылып, жетпіс жылдам астам уақытты қамтыған кеңестік езгіден, өйтеуір аман қалды. Сөйтіп, ақырында азаттықтың ақ таңы арайлап атты. Алашымыздың арқа сүйер азаматтарының, жанашыр жақындарының, қалың еліміз қазағымның жалынды жастарының, ұлтын сүйген ұлы жүрек иелерінің арқасында баға жетпес байлығымыз, таусылмайтын қазынамыз – Тәуелсіздікке қол жеткіздік. Бабаларымыздың сан ғасырлар бойы аңсаған ең асыл, аса биік ақ арманына жеттік. Бірақ, тәуелсіздіктің оңайлықпен келмегенін ұмытпағанымыз жөн. Осы жолда елін сүйген, жерін сүйген, ел деп еңіреп күн кешкен арыстандай айбатты ақтаңдақтарымыздан айырылды. Біз олардың ерліктерін бір сәтке де ұмытпауымыз керек. Өйткені тарихсыз келешек жоқ!

Қойнауы көнге толған бай өлке – Қазақстанның тарих сахнасынан өз орнын алып, тәуелсіз ел болып құрылғанына биыл міне, 25 жыл толып отыр. Аз уақыттың ішінде еліміз бізден едәуір уақыт бұрын тәуелсіздіктерін алған мемлекеттерді қуып жетіп, спорт, білім, мәдениет, өнер жағынан өлемнің алпауыт елдерімен терезесі теңеле түсуде. Әлемдік дәрежеде спорттық жарыстарды ұйымдастырып, алпауыт елдердің ұйымына төраға болып, өзінің қандай ел екенін уақыт өткен сайын дәлелдей түсуде. Өзге елде туымыз көк аспанда желбіреп, рухымызды асқақтатар айбынды өнұранымыз шырқалғанда әрбір қазақстандықтың жүрегінде еліне деген мақтаныш сезімі орнайтыны хақ. Осындай қиындықпен келген бұл тәуелсіздік мейрамының орны біз үшін тым бөлек. Осы сәтте данышпан Абай атамның «Біріңді қазақ, бірің дос, көрмесен істің бәрі бос», Төле бидің «Бірлік жоқ жерде – тірлік жоқ» деген өсиет-өнеге сөздері ойыма орала кетеді. Бұлай дейтініміздің себебі – тағдырдың төлкегіне ұшырап, ауырлықпен келген бұл жетістіктің барлығы да халқымыздың ынтымағы мен бірлігінің жарасқанының арқасында деп білем.

Сондықтан да тәуелсіз еліміздің болашақ ұрпақтары мен жастарына айтатынымыз – береке бірлігімізді мәңгі алақанымызда аялап ұстап, қастерлеп сақтар болсақ біз тәуелсіздігіміздің 25 жылдығын ғана емес, еліміз жылдығын тойлайтын күнге де жетеміз!

Үлмекен УТЕПОВА,
қазақ тілі мен әдебиеті
мамандығының 2 курс студенті



ПАЙ-ПАЙ 25 - АЙ-ХАЙ 50

Жұбанов университетінде жыл сайын өтетін «Ректор кубогы» КТК ойыны (кеңілді тапқыштар клубы) осы жылы да дәстүрлі жалғасын тапты. Тәуелсіздігіміздің 25 жылдығына, университеттің 50 жылдығы

қарсаңында «Пай-пай 25 – ай-хай 50» деп аталған іс-шара факультетаралық оқытушылар арасында өткен болатын. Бас жүлдеге 100 000 теңге және де өзге ақшалай сыйлықтардың бас демөөшесі, осы үндістін

жылғы қамқоршысы Гүлнұр Зарлықова бастаған кәсіподақ ұйымы.

17 қараша күнінің таңдалуы кездейсоқтық емес. Халықаралық студенттер күнінде ұстаздарымыз қайтадан сол жастық кездерін елестеткендей болды.

Студент қауымы үшін оқытушыларын жаңа қырынан көру аса таңқалдырды. Қағымта қалжыңмен күлкіге қалдырып, үздік өзілдерімен сахнаны жандандырған ұстаздарымыз керемет ойын өрнегін көрсетіп, өзілмен салмақты ой айтып, студенттерді мерекелерімен құтықтауды да ұмытпады.

Сайыста педагогика, экономика және құқық институттары, шет тілдері, тарих, филология, физика және математика, жаратылыстану, техникалық факультеттерінен шыққан құрама командалар өзара бақ сынады. Ең үздігін анықтау, ең мықтысын бағамдау әділ қазыларға оңайға соқпады. Төрешілер құрамында кәсіподақ ұйымының басшысы Гүлнұр Зарлықова, тәрбие жұмысы және әлеуметтік-экономикалық мәселелер жөніндегі проректор Мұхтар Ми-

ров, тәрбие жұмысы және жастар саясаты басқармасының басшысы Әлібек Қаратаев және басқалары болды.

Керемет ойын өрнегін көрсетіп, жүлделі үшінші орынды техника факультеті, ал екінші орынды педагогика институтының құрамасы қанжығасына байласа, биылғы жылдың чемпионы атанып, «Ректор кубогын», онымен қоса жүз мың теңге көлемінде ақшалай сыйлыққа ие болған жаратылыстану факультетінің «Биос» командасы бас жүлдемен марапатталды. Айта кету керек, сайысқа қатысқан әрбір командаларға ақшалай сыйлық беріліп, арнайы сертификаттар табыс етілді. Үздік ойыншы атағын «Биос» командасының мүшесі Жадыра Амангелдіқызы ұстазымыздың еншісіне бұйырды.

«Күлкі өмір айнасы» демекші, халықаралық студенттер күні мерекелік кеште ерекше есте қаларлықтай ойын-күлкі сыйлаған оқытушыларға студенттер шексіз ризашылықтарын білдірді. Әрдайым жайдарлы өмір сүрейік!

Динара КУЖАХМЕТОВА

ТӘУЕЛСІЗДІКТІ ДӘРІПТЕГЕН КӨРМЕ

4 ҚАРАШАДА ПЕДАГОГИКА ИНСТИТУТЫНДА ҚАЗАҚСТАН РЕСПУБЛИКАСЫ ТӘУЕЛСІЗДІГІНІҢ 25 ЖЫЛДЫҒЫНА АРНАЛҒАН "25 ЖҰЛДЫЗДЫ ШАРА" ЖОБАСЫ АЯСЫНДА "ҚАЗАҚСТАН – ҰЛЫ ДАЛА ЕЛІ" АТТЫ КӨРМЕ ӨТТІ. ПЕДАГОГИКА ИНСТИТУТЫНЫҢ СТУДЕНТТЕРМЕН ЖӘНЕ ЖАСТАР ҰЙЫМДАРЫМЕН ЖҰМЫС БӨЛІМІ ӨТКІЗГЕН КӨРМЕГЕ АТАЛМЫШ ИНСТИТУТ ШЕБЕРЛЕРІНЕН ӨЗГЕ ФИЛОЛОГИЯ, ЖАРАТЫЛЫСТАНУ, ФИЗИКА-МАТЕМАТИКА ЖӘНЕ ТЕХНИКАЛЫҚ ФАКУЛЬТЕТТІҢ ҚОЛӨНЕРШІЛЕРІ ҚАТЫСТЫ.

Көрмеге қойылған авторлық туындыларында талантты жастар туған жерге, Отанға деген сүйіспеншілігін жеткізе білген. Келушілер сандық, күбі секілді қазақтың ұй жабдықтарын, ұлттық оюмен өрнектелген қоржындарды, алқа, сырға секілді қазақ қыздарының әдемі өшекейлерін, моншақтармен көмкерілген көжекей мен қос етек көйлегін, ағаштан ойып жасалған домбыра, қобыз секілді ұлттық музыка аспаптарын, Ш.Берсиевтің бюсті мен Әбілхайыр ханның портретін, түрлі өдістермен салынған көз тартарлық картиналарды тамашалады. Сонымен қатар, көрермендерге ән мен биден шашу шашылды.

Көрме жайында педагогика институты студенттерімен және жастар ұйымдарымен жұмыс бөлімінің маманы Жадыра Баймұханова «Көрме жоспар бойынша өткізілді. Бұл – біздің Тәуелсіздіктің 25 жылдығына арнаған тартуымыз. Көрмені ұйымдастырудағы мақсат – жастардың бойына патриоттық сезім ұялатып, отансүйгіштікке тәрбиелеу және олардың шығармашылығын таныту, қолдау. Шара барысында 50-ге жуық студент өз қолөнер бұйымдарын жұрт назарына ұсынды» дейді.

Көрмеге келушілердің қатары көп болды. Араларында өзіне қажет дүниелерді тауып, авторларына тапсырыс беріп жатқандары да табылды. Солардың бірі университет оқытушысы Мирангүл Есенғұлова: «Бүгін көрмеге келгеніме өте қуаныштымын! Бәрі жоғары деңгейде өтті. Маған фетр матасынан жасалған қазақы стильдегі белбеу қатты ұнады. Енді соны өзіме жасатып алмақшымын. Авторымен сөйлесіп, тапсырыс беріп те қойдым. Алдағы уақытта осындай шаралар жиі өтсе деген тілегім бар»,- деп көрме туралы өз ойымен бөлісті.

Көрмеге қатысушылардың бірі ретінде мен де ұйымдастырушыларға ризашылығымды білдіремін. Өзімізді танытып, өзгелермен шеберлік алмасатын жақсы мүмкіндік туды.

Ақтоты САҒЫНҒАЗЫ,
филология факультетінің
2 курс студенті



Қ.ЖҰБАНОВ АТЫНДАҒЫ АҚТӨБЕ Өңірлік мемлекеттік университетінде, Желтоқсанның 6-шы жұлдызында еңселі оқу ордамыздың 50 жылдық мерейтойы, Қазақстан Республикасының тұңғыш Президенті күні және Төуелсіздігіміздің 25 жылдығы аясында университеттік V жастар форумы жоғарғы деңгейде өтті.

V ЖАСТАР ФОРУМЫ

Форумға оқу ордамыздың ректоры Кенжеғали Кенжебайұлы қатысты. Ең алдымен студенттік ректор Нарқозы Қартжан ректор алдында есеп берді: «Қайырлы күн құрметті Кенжеғали Кенжебайұлы және де форумға қатысушы жастар! 2016 жылы жастар арасында 2020 жылға дейінгі мемлекеттік жастар саясатының іске асыру мақсатында еліміздің Президенті – Н.А.Назарбаевтың "Жас Отан" ЖҚ ІІ съезінде берілген тапсырмаларын орындау жұмысы жалғасты.

Бүгінгі күні ТЖ және ЖС басқармасының құрылымдылық бөлімшесі болып табылатын студенттік езін-езі басқару ұйымының (қысқаша айтқанда студенттік ректорат) жұмысы жоғары дәрежеде қойылған Қазіргі таңда 27 жастар ұйымдары мен бірлестіктері, соның ішінде 5 республикалық қоғамдық бірлестіктер филиалдары бар, олар: «Жас Отан» жастар қанаты, «Атамекен» жастар еңбек отрядтары, «ДАР» еріктілер клубы, Қазақстан жастар конгресі, Қазақстан халық ассамблеясы және басқа да университеттік қозғалыстардың жұмыстары жандандырылған. Салыстырмалы түрде айтатын болсақ, былтырғы жылы университетімізде 23 жастар ұйымдары болатын.

Жалпы алғанда, 2016 жыл бойынша жастардың жұмыс жасау көрсеткіш динамикасы жақсы. Алға қойылған мақсаттар толықтай орындалған.

Тек қана сіздің бастамаңызбен биыл ғана Қ.Жұбанов атындағы АӨМУ де ата-ана қамқорлығынсыз 12 студентке оқу ақысына 100% әлеуметтік көмек көрсетілді, жартылай жетім, бала кезінен мүгедек, аз қамтылған және кепбалалы отбасынан шыққан 198 студентке 50 пайыздық



жеңілдік берілді.

Студенттерді қоғамдық белсенді өмірге ынталандыру үшін университетіміздің кәсіподақ ұйымы «Жігер» шәкіртақы бағдарламасын бекітті. Кәсіподақ ұйымының шәкіртақысы 10000 теңге көлемінде әр семестр сайын ең белсенді және университет дамуына үлес қосқан 10 студентке тағайындалады.

Осының бәрін айта отырып біздің университеттің студенттері қай салада болмасын өзінің алғырлығын көрсетіп, университет намысын байрақты бәсекелерде, беделін арттырып өздерін көрсетіп келеді. Сіз салған дара жолда Жұбанов студенттері мақтанышпен, болашаққа деген сеніммен қадамдарын жасап келеді. Сізге барлығы үшін, барлық студенттер атынан

хар Амангельдина сынды білімді де белсенді студенттер марапатқа ие болды.

Ел бірлігін айшықтайтын заманда жастардың рөлі зор. Ертеңгі елдің тірегі, ұлт жанашыры болатын да жастар. Қазақстанның болашағы – жастардың қолында.

Ақжүніс НҮРПЕЙСОВА,
филология факультетінің студенті

ЕРКІНДІК ҚЫРАНЫ, ШАРЫҚТА!

ЖЕЛТОҚСАН АЙЫНЫҢ ТОҒЫЗЫНШЫ ЖҰЛДЫЗЫНДА Қ.ЖҰБАНОВ АТЫНДАҒЫ АҚТӨБЕ Өңірлік мемлекеттік университетінде филология факультетінің бастамасымен жастар сарайында Қазақстан Республикасы Төуелсіздігінің 25 жылдығы мен университетіміздің 50 жылдық мерейтойына орай «ЕРКІНДІК ҚЫРАНЫ, ШАРЫҚТА» ОБЛЫСТЫҚ СТУДЕНТТЕР АЙТЫСЫ ӨТТІ.

Айтысқа Қ.Жұбанов атындағы Ақтөбе өңірлік мемлекеттік университетінің студенттері Қайырхан Жұбаниязов, Қайрат Қойшыбаев, Елшат Әуесхан, облыстық айтыскерлер мектебінің тәрбиеленушілері Ардақ Айжан, Нұрбол Жауынбаев, Зылиха Наурызалина, Ақтөбе гуманитарлық колледжінің студенті Айболат Кешкінбаев, Ақтөбе медициналық колледжінің студенті Ақілбек Мырзабай сынды жас ақындар қатысты.

Жыр додасына университетіміздің тәрбие жұмысы және әлеуметтік-экономикалық мәселелер жөніндегі проректоры Миров Мұхтар Орынбасарұлы, Халықаралық «Қазақ тілі» қоғамы төрағасының орынбасары Жанқабил Қабақбаев, ақын, Қазақстан Жазушылар одағының мүшесі Жақсылық Айжанов, Абайтанушы-ғалым Басқар Әлиев, айты-



скер ақын, республикалық ақындар айтысының жүлдегері Оразбек Қиынбаев сынды танымал тұлғалар қазылық жасады.

Айтысқа «Нұр Отан» партиясы Ақтөбе облыстық филиалы төрағасының орынбасары Нұрхан Ақиязов, облыстық Ішкі саясат басқармасының басшысы Ербол Жолдасбекұлы және т.б. зиялы қауым өкілдері арнайы қонақ ретінде келді.

Айтыстың қорытындысы бойынша

өзгелерден оқ бойы озық болған университетіміздің филология факультетінің 3 курс студенті Қайырхан Жұбаниязов жеңімпаз атанды. Екінші жүлдені талантымен көпшілікке таңдай қақтырған облыстық айтыскерлер мектебінің оқушысы Нұрбол Жауынбаев иеленсе, 3 орынға университетіміздің тағы бір талантты ақыны Қайрат Қойшыбаев табан тіреді. «Нұр Отан» партиясы

тағайындаған арнайы жүлдеге Облыстық айтыскерлер мектебінің оқушысы Зылиха Наурызалина ие болды. Жыр сайысына қатысушы барлық ақындар арнайы дипломмен және ақшалай сыйлықпен марапатталды.

Жәнібек БЕЙБИТОВ,
студенттермен және жастар ұйымдарымен жұмыс бөлімінің маманы

ДИАЛОГ НАУКИ, ПРОИЗВОДСТВА И БИЗНЕСА

29 ноября 2016 г. ученые АРГУ им. К.Жубанова представили свои проектные идеи и научные разработки по техническим и естественно-научным направлениям для руководителей и специалистов производственных организаций и бизнес-компаний Актюбинской области. Представителями гостей были АктЗФ – филиал АО «ТНК Казхром», АО «АЗХС», ТОО «Стройдеталь», ТОО «Экотон-Батыс», АО «Транс Энерго», АО «Темирбетон», ТОО «Айс-Плюс», ТОО «ЕВРАЗИЯ БИЛД ГРУПП», Филиал АО «Национальный центр повышения квалификации «Өрлеу» Институт повышения квалификации педагогических работников по Актюбинской области» и Актюбинский колледж нефти и газа.



Встреча ученых и производителей региона проходила в формате презентации. Всего были представлены 9 проектов. Интерес со стороны представителей производства вызвали проекты лаборатории 3D-моделирования (заведующий Н.К. Жубаев), научной лабораторий «Нанотехнологии» (руководитель А.З. Бекешев) и научного центра «Радиационная физика материалов» под руководством К.Ш.Шункеева.

Проекты ученых представляли разработку технологий строительных материалов, грунтобетонных, фосфорного удобрения, полимерматричных композитов, технологий освоения кремнийсодержащих минеральных ресурсов (диатомитов), совершенствование аграрных технологий, разработку обучающих программ на основе ДО и мультимедийных технологий и стратегию регионального развития Актюбе.

Актуальными для производственного сектора были названы проблемы разработки методов экономии тепловой энергии (АО «Трансэнерго»), участие вуза в составлении и корректировке ГОСТов, экспертизе для определения активности AI и т.д. (ТОО «Экотон-Батыс»), разработка видов экспресс-анализа для определения качественных свойств бетона, извести; производство наноцемента и т.д. (ТОО «Стройдеталь»), повышение квалификации кадров нефтегазовой отрасли (Актюбинский колледж нефти и газа), производство наноцемента и комплексных добавок к цементам, улучшение пластичности бетонных материалов. А также задачи, связанные с разработкой программ повышения квалификации рабочих строительных профессий (АО «Темирбетон»).

В ходе диалога также нашли интерес среди приглашенных организаций и были отмечены в отзывах, как потенциальные партнеры для сотрудничества проекты: ст.преп. Е.П.Котик «Использование тренажера-имитатора для подготовки рабочих профессий и курсов повышения квалификации кадров нефтегазовой отрасли»; зам. директора Научно-практического центра электронного обучения E-learning Т.Т.Жуниускалиева «Электронное обучение «E-learning»: повышение квалификации и переподготовка кадров, профессиональная сертификация сотрудников, обучающие он-

лайн-семинары; мультимедийные технологии и цифровая техника для проведения всех видов официально-деловых, обучающих мероприятий»; к.т.н, доцента В.Г.Некрасова «Совершенствование аграрных технологий в области использования закрытого грунта (тепличные технологии)».

Важным результатом встречи-презентации стала дальнейшая постановка задач со стороны организаций и компаний, которые были представлены ими в виде предложения сотрудничества. Отдел научно-инновационных программ осуществляет анализ предложений и итогов встречи, по которым будут выработаны конкретные задачи и направления сотрудничества с данными организациями.

Всего в мероприятии приняли участие 46 чел, из них 10 представителей организаций и компаний, 9 руководителей проектов, деканы, заведующие кафедрами технического и физико-математического факультетов, руководители научных структур и ректорат.

В рамках мероприятия была проведена выставка лучших научных работ студентов и молодых исследователей. Все участники получили сертификаты и информационные материалы вуза.

Алтын МЫРЗАШОВА,
начальник Отдела
научно-инновационных программ

САЛАУАТТЫ ӨМІР САЛТЫН ҰСТАНУҒА ШАҚЫРАДЫ

Жуырда экономика және құқық институтының 1 курс аға эдвайзері Мурсалова Ләззат Аманғалиқызының ұйымдастыруымен жастар арасындағы ерте жүктіліктің, суицидтің, жыныстық азғындатушылықтың АИТВ/ЖИТС-тің алдын алуға байланысты Ақтебе облысының Жұқтырылған иммун тапшылығының синдромы (ЖИТС) орталығының бас маманы, дәрігер Матаева Меруерт Қанатқызының қатысуымен кездесу кеші өтті. Аталмыш шараның мақсаты – есірткі қолдануға қарсы көзқарасты қалыптастыру, зиянды әдеттерден аулақ болуға және салауатты өмір салтын ұстануға шақыру, есірткі тұтынушылардың арасында кездесетін жұқпалы аурулар, оның ішінде қазіргі таңдағы күрделі мәселеге айналып отырған АИТВ/ЖИТС туралы кең көлемде мағлұмат беру.

Кездесу барысында дәрігер М.Қ.Матаева: «ЖИТС (Жұқтырылған иммун тапшылығының синдромы) – иммундық қуаттың әлсіреуінен соқтыратын жұқпалы ауру. Жыныс қатынасы кезінде және зақымданған тері арқылы қанға түскен соң ағзаның қорғаныс шебі саналатын лимфа жүйесін зақымдайтын аса қатерлі дерт. Вирус жұққан адам – вирус тасымалдаушылар, ЖИТС-пен ауырған адамдар инфекция жұқтыру көзі болып табылады. Ешқандай ауру белгілері байқалмайтындықтан, әсіресе,

вирус тасымалдаушылар өте қауіпті», - деп нәзігі «ЖИТС» ұғымына тоқталып өтті. Сондай-ақ, ЖИТС-тің жұғу жолдары мен одан қалай сақтану жайлы, сонымен қатар әр адамның денсаулығының жақсы болуы көп жағдайда өзіне байланысты болатындығын, кез-келген тұлға өмірінің егесі, сондықтан әркімнің өмірі өзінің таңдауы екені туралы айтып, студенттер тарапынан қойылған сұрақтарға жауап берді.

Іс шараға экономика және құқық институты директорының тәрбие ісі жөніндегі



орынбасары С.Ж.Кельбетова, институт оқытушылары Е.Молдабеков, О.Ш.Адаев және «Құқықтану» мамандығының 1 курс студенттері, кітапханашылар К.Кребаева, Ж.Сүндетова да қатысты.

Сондай-ақ, институтта «ЖИТС (СПИД) XIX ғасыр індеті» кітап көрмесі ұйымдастырылып, кітапхана қызметкері Ж.Сүндетова библиографиялық шолу жасады.

Кеш соңында студенттерге слайд-шоу, кесте, қысқаша фильмдер көрсетіліп, студенттер түрлі сұрақтар қойып, біраз сұрақтарға жауап алды. Студенттер кураторы Ляззат Аманғалиқызы мен кешке қатысқан дәрігер Меруерт Қанатқызына және кітапхана қызметкерлеріне алғыстарын жеткізді.

Күлшат НИЯЗҚЫЗЫ,
кітапханашы

ҒЫЛЫМИ ЖОБА ТАЛҚЫЛАНДЫ



Қазақстан Республикасы Білім және ғылым министрлігі балалардың құқықтарын қорғау комитетінің қолдауымен 2014 жылғы 21 тамызда Астана қаласында өткен «Қазақстан Республикасының білім беру кеңістігі тұтастығының қажетті шарты» атты Республикалық педагогикалық тамыз кеңесінің секция отырысының шешімін іске асыру мақсатында Қ.Жубанов атындағы Ақтебе өңірлік мемлекеттік университетінің «Әлеуметтік педагогика және бастауышта оқыту» кафедрасында «Өмірге үйлесімділік» үйірмесі 2014-2015 оқу жылында жоспарланып, бағдарламасы құрылған болатын. 2015-2016 оқу жылында ғылыми үйірме ретінде еңбектеніп, студенттер өз беттерімен шығарма, эссе, реферат, курстық жұмыс, өз жобаларын жаза бастады. АӨМУ ғылыми конкурстарына қатысып, жүлделі орындарды иеленді. Биылғы 2016-2017 оқу жылында да ғылыми жобаларын қорғап отыр.

Үйлесімділік идеясы «Бәбек» қорының президенті С.А.Назарбаеваның «Рухани-адамгершілік білім беру» бағдарламасынан туындайды. «Өмірге үйлесімділік дегеніміз» - тұлғаның өз мүддесін әлеумет мүддесімен теңестіре білуі. «Өмірге үйлесімділік» үйірмесінің алға қойған мәселесі өзекті. Ал үйірменің мақсаты мен міндеті - адамзат баласының ғасырлар бойы жинақтаған адами асыл қасиеттерді жас ұрпақтың бойына сіңіру, ата салт пен ұлттық ұлы дәстүрлеріміздің жиынтық тәрбиесін тамырына тағылым етіп дарыту. Сонымен қатар, студенттерді өмірге үйлесімділікке, адамгершілікке, достыққа тәрбиелеу мен болашақ мұғалімдердің деонтологиялық түсінігінде көшенді және мақсатты тәрбие үшін педагогикалық жағдайды қамтамасыз ету.

Соған байланысты университетімізде ғылыми апталық өтті. Ғылыми апталықтың алғашқы күні «Әлеуметтік педагогика және бастауышта оқыту» кафедрасының меңгерушісі З.У.Адилышинова мен әдістемелік бірлестік жетекшісі Н.А.Кенжебекованың ұйымдастыруымен, оқытушылар мен студенттердің қатысуымен «Жастардың өмірге үйлесімді дамуы» атты ғылыми жобаның презентациясы өтті. Студенттер Ф.Утениязова, Ф.Тұнғатар және Р.Болат жобаны талқылау барысында өз пікірлерін ортаға салды. Студенттерге ғылыми жетекшілік жасаған профессор, педагогика ғылымдарының кандидаты Әмірбаева Күләш Охасқызы семинар жұмысын ашып, жобаның негізгі мақсат-міндеттеріне тоқталып, студенттердің қызу талқысына салды.

Жоба барысында үйірме мүшелері «өмірге қалай үйлесімді болуым керек?», – деген сұраққа жауап іздеді. Қоғамда өзін-өзі ұстауды үйреніп, білім, ғылым, отбасы, махаббат, туыстық, достық т.б. тақырыптардағы мәтіндерді талдады.

Қорыта келгенде, ғылыми жобаны жүзеге асыра отырып, жастар өмірге үйлесімділік арқылы жету үшін, өз бойына рухани-адамгершілік құндылықтарды сіңіру үшін талмай еңбектенеді және сол арқылы қоғамдағы әлеуметтік-экономикалық, гуманитарлық және демократиялық өзгерістерге байланысты жеке тұлғаның дербестігі дами бермек.

Фарица УТЕНИЯЗОВА,
Феруза ТҮНҒАТАР,
әлеуметтік педагогика және өзін-өзі тану
мамандығының 3 курс студенттері

БІЛІМ БЕРУДІ МОДЕРНИЗАЦИЯЛАУ ЖАҒДАЙЫНДА ПЕДАГОГ ІС-ӘРЕКЕТІН ЖАҒҒЫРТУ

ҚАЗІРГІ БІЛІМ БЕРУДІ МОДЕРНИЗАЦИЯЛАУ ЖАҒДАЙЫНДА ПЕДАГОГ ӨЗІНІҢ ІС-ӘРЕКЕТІН ЖАҒҒЫРТА ОТЫРЫП, ОҚЫТУ МЕН ТӘРБИЕНІҢ ЖАҒА КРЕАТИВТІК ӘДІСТЕРІН ҚОЛДАНҒАНДА ҒАНА ҮЛКЕН НӘТИЖЕЛЕРГЕ ҚОЛ ЖЕТКІЗУГЕ БОЛАДЫ. МҰНЫ ӨМІР ТАЛАБЫ, ЗАМАН АҒЫМЫ ҚАЖЕТСІНУДЕ. «БІЛІМ БЕРУДІ МОДЕРНИЗАЦИЯЛАУ» ҰҒЫМЫН ЖАЛАҒ ТҰРҒЫДА ЕМЕС, ӘР ПӘННІҢ МАЗМҰНЫНА ҮЙЛЕСІМДІЛІКПЕН ЕНГІЗЕ БІЛУІМІЗ КЕРЕК. КРЕАТИВТІК ӘДІСТЕРДІ САНАЛЫ ҚАБЫЛДАП, ОҚУ ТӘРБИЕ ҮДЕРІСІНДЕ ТИІМДІ ПАЙДАЛАНУ ҮШІН ЕҢ АЛДЫМЕН ӘР ПӘННІҢ ЕРЕКШЕЛІКТЕРІН ЕСКЕРУ КЕРЕК. СОНЫМЕН БІРГЕ ПЕДАГОГ ІС-ӘРЕКЕТІН ЖАҒҒЫРТУДЫҢ БАСТЫ МАҚСАТЫ - БӘСЕКЕГЕ ҚАБІЛЕТТІ БІЛІМДІ ҰРПАҚ ТӘРБИЕЛЕУ ЕКЕНІН ЕСТЕН ШЫҒАРМАУ КЕРЕК. ОСЫ МАҚСАТТА 2 ЖЕЛТОҚСАН КҮНІ ЖАЛПЫ ПЕДАГОГИКА ЖӘНЕ ПСИХОЛОГИЯ КАФЕДРАСЫНЫҢ МЕНҒЕРУШІСІ Ж.А.ЖУСУПОВА МЕН ОҚУ-ӘДІСТЕМЕЛІК СЕКЦИЯ ЖЕТЕКШІСІ Б.Б.ЕРТЛЕУОВА ЖӘНЕ КАФЕДРА ҰЖЫМЫНЫҢ ҰЙЫМДАСТЫРУЫМЕН «БІЛІМ БЕРУДІ МОДЕРНИЗАЦИЯЛАУ ЖАҒДАЙЫНДА ПЕДАГОГ ІС-ӘРЕКЕТІН ЖАҒҒЫРТУ: ОҚЫТУ МЕН ТӘРБИЕНІҢ ЖАҒА КРЕАТИВТІК ӘДІСТЕРІ» АТТЫ ҒЫЛЫМИ - ӘДІСТЕМЕЛІК СЕМИНАР ҰЙЫМДАСТЫРЫЛДЫ.



Семинар жұмысына университеттің оқу және оқу - әдістемелік жұмыстар жөніндегі проректоры, педагогика ғылымдарының докторы, профессор К.Ж.Теребаева, ғылыми - әдістемелік бөлімнің маманы Р.Б.Ибраимова, университет кафедраларының оқытушылары, 4 курс студенттері мен қала мектептерінің педагогтары, атап айтқанда, №37 орта мектеп директорының оқу-әдістемелік ісі жөніндегі орынбасары, жоғары санаттағы қазақ тілі мен әдебиеті пәнінің мұғалімі Ж.Ж.Ахметова, №1 орта мектептің жоғары санаттағы математика пәнінің мұғалімі Г.С.Унбаева, №34 орта мектептің бастауыш класс мұғалімі Т.М.Жусипова,

№39 орта мектептің екінші санаттағы бастауыш класс мұғалімі Б.Е. Садуақасова, №39 орта мектептің жоғары санаттағы орыс тілі пәнінің мұғалімі А.М.Алпысбаева, №45 орта мектептің мұғалімі Қ.Т.Суликанова, №2 мамандандырылған орта мектептің орыс тілі пәнінің мұғалімі Р.Т.Якупова, үш тілде оқытатын №21 орта мектеп – гимназия директорының оқу-әдістемелік ісі жөніндегі орынбасары Н.К.Медельбаева және «Өрлеу» біліктілікті арттыру ұлттық орталығы» АҚ филиалы Ақтебе облысы бойынша педагогикалық қызметкерлердің біліктілігін арттыру институты қызметкерлері, аға оқытушы тренер

Г.К.Жапакова және п.ф.к. Е.С.Даулеткалиева, кафедра оқытушылары белсене қатысты.

Семинар қорытындысында резолюция қабылданып, ұсыныстар айтылды. Келген қонақтар әдістемелік семинарды ұйымдастырушы кафедра ұжымына, жоғары оқу орнының басшыларына алғыстарын білдіре отырып, ЖОО-мектеп-біліктілікті арттыру институты тарапынан шығармашылық байланыстардың қажеттіліктерін атады. Әдістемелік семинар жоғары деңгейде етті.

Асия НАРЕНОВА,
жалпы педагогика және психология кафедрасының аға оқытушысы



ЭКОЛОГТАР ЯДРОЛЫҚ ҚАРУСЫЗ ӘЛЕМДІ ТАҢДАЙДЫ

МЕМЛЕКЕТІМІЗ БЕН ХАЛҚЫМЫЗ ҮШІН ЕҢ БАСТЫ, ӘРІ ҚҰНДЫ МЕРЕКЕ - ҚАЗАҚСТАН РЕСПУБЛИКАСЫНЫҢ ТӘУЕЛСІЗДІГІНІҢ 25 ЖЫЛДЫҚ МЕРЕЙТОЙЫ. ОСЫНАУ 25 ЖЫЛ ІШІНДЕ ҚАЗАҚСТАН ҚАНШАМА ҚИЫН-ҚЫСТАУ КЕЗЕҢДЕРДІ БАСЫНАН ӨТКЕРІП, БИІК БЕЛЕСТЕРДІ БАҒЫНДЫРА БІЛДІ. ТӘУЕЛСІЗДІК АЛҒАНЫМЫЗҒА 25 ЖЫЛ БОЛСА, ҰЛЫ ДҮРБЕЛЕҢ, СҰРАПЫЛ, ҚАНШАМА АДАМ ЗАРДАП ШЕККЕН ЯДРОЛЫҚ СЫНАҚТЫҢ ЖАБЫЛҒАНЫНА ДА 25 ЖЫЛ БОЛЫПТЫ.

Еліміздегі ядролық сынақтар адамзат пен жер бетіндегі тіршілік үшін орасан зор зардаптарын тигізді. Семей облысының Солтүстік Батыс аумағында Дегелең жотасының түбіне атом бомбасын сынау полигонын орналастыру туралы шешім қабылданып, 1949 жылы 29 тамызда таңғы сағат жетіде, күші 20 килотонна болатын алғашқы атом бомбасы сыналды.

Семей ядролық сынақ полигоны ядролық сынақ жасайтын әлемдегі ірі полигондардың біріне айналды. 1949 жылдан 1991 жылға дейін Кеңес Одағы Қазақстан жерінде 450-ден астам жер асты және жер үсті ядролық сынақтарын еткізді. Осындай нәубаттан зардап шеккен Семей еңіріндегі ахуал өлі күнге дейін ауыр күйде қалып отыр. Онда тұратын

қарапайым халық ядролық сынақтың кесірінен күні бүгінге дейін қасірет шегіп жатыр.

Қазақстан Президенті Н.Ә.Назарбаевтың Семей полигонын жабу туралы Жарлық шығарған күн – 1991 жылдың 28 тамызы. Сөйтіп тиянақтылық пен елімталдық керсеткен қазақ халқы ез мақсатына жетті. Ең

үлкен полигон жабылып, атом қаруынан бас тартты. Таза ауа, таза орман, таза жер, яғни табиғаттың әр белігін сақтау, қорғау біз үшін міндет.

Осындай мақсатта Қ.Жұбанов атындағы Ақтебе еңірлік мемлекеттік университеті жаратылыстану факультетінің экология мамандығында білім алушы 2 курс студенттері «Ядролық қарусыз әлем — ортақ мақсат» тақырыбында ашық куратор сағатын еткізді. Бұл шараға университетіміздің аға кураторы А.А.Базарғалиева, тәрбие ісі жөніндегі декан орынбасары Б.А.Туралин, кураторлар С.Қ.Алмат, Ж.Тажимуратова, курс эдвайзері Б.К.Жаппарова және студенттер қатысты.

Ядролық сынақтар және оның салдары жайында Арман Кибатов баяндама жасап, студенттер арасында пікірталас жүргізілді. Ядролық сынақ алаңы және қазіргі кездегі жағдайы туралы бейнебаяндар көрсетілді. Керермендердің және қатысушылардың көңіл күйін сергіту мақсатында Аслан Қибашев құлақ құрышын қандыратын Құрманғазының күйін орындап берді. Студенттерге жалпы әлемде болған алпауыт жарылыстар туралы сұрақтар қойылды. Өткізіліп отырған шара Кебек Диананың жүреюжарды жыр шумақтарымен аяқталды. Қатысушы оқытушылар өз пікірлерін білдіріп, студенттерге алғысын айтты.

Бейбіт өмір мен тәуелсіз елдің ұрпағы болу ата бабамыздың мұрасы. Әлемде бейбітшілік болсын, ядролық сынақтар енді қайталанбасын!

Базаргүль ЖАППАРОВА,
ЭКО тобының кураторы
Самал АЛМАТ,
2 курс эдвайзері

